

2024/SUBCC/000007

Certificación do acordo

Raimundo González Carballo, Concelleiro Secretario da Xunta de Goberno Local do Concello de Pontevedra.

Certifico: que a Xunta de Goberno Local do Concello de Pontevedra, na sesión Ordinaria que tivo lugar o día 17.10.2024, adoptou, entre outros, o seguinte acordo:

G.- APROBACIÓN DAS BASES REGULADORAS DE SUBVENCÍONS PARA A REHABILITACIÓN DE ACTUACÍONS INCLUÍDAS NO PROGRAMA DE AXUDA ÁS ACTUACÍONS DE REHABILITACIÓN A NIVEL DE BARRIO DO PLAN DE RECUPERACIÓN, TRANSFORMACIÓN, E RESILIENCIA. ÁREA DO NÚCLEO DE ESTRIBELA. 2024/SUBCC/000007.

Examinado o expediente de razón e vista a proposta da xefatura do servizo de Policía Administrativa, Vivenda e Servizos, de data 16.10.2024, cuxos feitos e fundamentos xurídicos a continuación se reproducen:

“FEITOS

Primeiro.- No Boe número 239 do mércores 6 de outubro de 2021, o Ministerio de Transportes, Movilidad y Agenda Urbana, publica o Real Decreto 853/2021, de 5 de outubro, por el que se regulan los programas de ayuda en materia de rehabilitación residencial y vivienda social del Plan de Recuperación, Transformación y Resiliencia, neste texto normativo se establecen os fins para unha serie de axudas europeas ao estado es - pañol, por mor da crise sanitaria vivida coa pandemia do COVID – 19.

Segundo.- No DOG número 137, do martes 19 de xullo, o Instituto Galego de Vivenda en Solo, publica a Resolución do 8 de xullo de 2022 pola que se regula o procedemento para participar no Programa de axuda ás actuacións de rehabilitación a nivel de barrio do Plan de recuperación, transformación e resiliencia, fi - nanciado pola Unión Europea-NextGenerationEU e se abre o prazo de participación para a anualidade 2022, mediante o cal se abre o prazo para solicitar as axudas.

Terceiro.- Con data 19/10/2022, o Concello de Pontevedra solicita a participación no programa de axudas ás actuacións de rehabilitación a nivel de barrio, do plan de recuperación, transformación e resiliencia finan - ciado pola Unión Europea-NextGeneration EU.

Cuarto.- En data 28/06/2023, o Concello de Pontevedra adhiérese ao Acordo asinado entre o Ministerio de Transportes, Vivienda y Agenda Urbana, e a Xunta de Galicia.

Quinto.- Consta no expediente administrativo informe de sostenibilidade do programa, de data 16.04.2024.

Sexto.- Consta no expediente informe favorable da Intervención Municipal de data 30.08.2024.

En base aos feitos advertidos, resultan de aplicación os seguintes.

FUNDAMENTOS XURÍDICOS

Primeiro.- O establecido na Lei 38/2003 do 17 de novembro, xeneral de subvencións, así como o Real Decreto 887/2006, do 21 de xuño, polo que se aprobou o seu regulamento, nos seus preceptos básicos.

Segundo.- O determinado no Regulamento (UE) 2021/241 do Parlamento Europeo e do Consello, do 12 de febreiro de 2021, polo que se establece o Mecanismo de Recuperación e Resiliencia.

Terceiro.- O previsto no Real Decreto-Lei 36/2020, do 30 de decembro, polo que se aproban medidas ur - xentes para a modernización da Administración Pública e para a execución do Plan de Recuperación, Transformación e Resiliencia.

Cuarto.- O Real Decreto 853/2021, do 5 de outubro, polo que se regulan os programas de axuda en mate-





ria de rehabilitación residencial e vivenda social do Plan de Recuperación, Transformación e Resiliencia.

Quinto.- O establecido na Orde HFP/1030/2021, do 29 de setembro, pola que se configura o sistema de xestión do Plan de Recuperación, Transformación e Resiliencia.

Sexto.- O previsto na Orde HFP/1031/2021, do 29 de setembro, pola que se establece o procedemento e formato da información para proporcionar polas Entidades do Sector Público Estatal, Autonómico e Local para o seguimento do cumprimento dos fitos e obxectivos e de execución orzamentaria e contable das medidas dos compoñentes do Plan de Recuperación, Transformación e Resiliencia.

Sétimo.- A Orde HFP/55/2023, do 24 de xaneiro, relativa á análise sistemática do risco de conflito de intereses nos procedementos que executen o Plan de Recuperación, Transformación e Resiliencia.

Oitavo.- O establecido na lei 9/2007, do 13 de xuño de subvencións de Galicia; e o D11/2009 polo que se aproba o regulamento da lei 9/2007 de subvencións de Galicia.

Nono.- O acordo nº 36 asinado o 28.06.2023 entre o Concello de Pontevedra, a Xunta de Galicia e o Ministerio de Transportes, Movilidad y Agenda Urbana do programa de axuda en materia de rehabilitación residencial e vivenda social do Plan de Recuperación, Transformación e Resiliencia para as ERRPs declaradas en Pontevedra.

Décimo.- A Resolución do 8 de xullo 2022 pola que se regula o procedemento para participar no Programa de axuda ás actuacións de rehabilitación a nivel de barrio do Plan de Recuperación, Transformación e Resiliencia, financiado pola Unión Europea NextGenerationEU e se abre o prazo de participación para a anualidade 2022.

Undécimo.- O previsto na lei 8/2012, do 29 de xuño, de vivenda de Galicia.

Duodécimo.- A lei 39/2015, do 1 de outubro de Procedemento Administrativo Común das Administracións Públicas.

Décimo terceiro.- O disposto na lei 7/1985, do 2 de abril, Reguladora de Bases de Réxime Local, na redacción dada pola Lei 27/2013, do 27 de decembro de Racionalización e Sustentabilidade da Administración

Local e a Lei 5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro de Racionalización e Sustentabilidade da Administración Local.

Décimo cuarto.- O artigo 25 da Lei 7/1985, do 2 de abril, Reguladora de Bases de Réxime Local, establece como competencias propias do Municipio a conservación e rehabilitación da edificación, sendo que a cláusula residual determina a competencia da alcaldía naquelas materias nas que non se determine órgano concreto, sendo que no Decreto de Alcaldía de data 17/09/2024, se establece a competencia da Xunta de Goberno Local para aquelas convocatorias de subvención cuxa contía sexa superior a 12.020.24€, en virtude do establecido na Ordenanza de Subvencións do Concello de Pontevedra.

Xa que logo, ao abeiro do disposto no artigo 45.2 d) do Regulamento orgánico do goberno e da administración do Concello de Pontevedra, aprobado polo Pleno do 21/10/2005 (BOP núm. 248, do 28/12/2005), á vista dos antecedentes expostos, e de acordo co contido dos informes da arquitecta da OTR, que lle serven de fundamento ao abeiro do establecido no artigo 88.6 da Lei 39/2015, do 01 de outubro, do procedemento administrativo común das administracións públicas, a iniciativa do Servizo de Policía Administrativa, Vivenda e Servizos."

Á vista do exposto, a Xunta de Goberno Local, por unanimidade, acorda:

Primeiro.- Prestar aprobación ás bases e convocatoria de subvencións para a rehabilitación de actuacións incluídas no Programa de axuda ás actuacións a nivel de Barrio do Plan de Recuperación, Transformación e Resiliencia, financiado pola Unión Europea- NextGenerationEU nos ERRPs declarados no Concello de Pontevedra, mediante resolución da Concelleiro da Área de Réxime Interior de data 18/10/2022, delimitado como a Área de Rehabilitación Integral do do Núcleo de Estribela, anexas á proposta da xefatura do servizo





de Policía Administrativa, Vivenda e Servizos de data 16.10.2024 (CSV T5PKJR2AFDTXVQRC).

Segundo.- Autorizar o gasto con cargo ao Orzamento do Concello de Pontevedra, do gasto co seguinte reparto por ERRP:

- Núcleo de Estribela 108.366,17 €

Terceiro.- Ordenar a remisión das bases reguladoras que figuran no Anexo da presente resolución á Base de Datos Nacional de Subvencións BDNS, así como a súa publicación na Sede Electrónica do Concello de Pontevedra.

Cuarto.- Contra esta Resolución poderá interpoñerse, potestativamente, recurso de reposición ante esta Administración municipal no prazo de un mes, contado a partir do día seguinte á súa publicación na Sede Electrónica do Concello de Pontevedra, ou recurso contencioso-administrativo ante o Xulgado do Contencioso-Administrativo no prazo de dous meses, a contar desde o día seguinte á súa publicación na Sede Electrónica do Concello de Pontevedra.

E para que conste, coa salvidade á que se refire o artigo 206 do Regulamento de Organización, Funcionamento e Réxime Xurídico das Entidades Locais, expido a presente certificación de orde e co visto e praxe da Alcaldía na data que consta na sinatura electrónica.

